

69

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
AUG 11 1936

T 9100.3092



聖學範圍圖記序

夫今以註易名者蓋亡慮其一家大都憔悴  
枯稿山林間發憤於世者所爲可以觀世矣  
子曰作易者其有憂患乎憂者幽也跡不潛  
則神不幽患者幻也跡不幻則神不化易化  
書也非近心麤心淺心者能入乾初九曰潛  
龍勿用勿用乃潛潛乃化鄒子沉埋半生矣  
亦常手一編稿形深菁然生平醉心慈湖氏

哈佛大學漢和  
圖書館珍藏印

已易常觀諸君子於卦爻象變各有所主茫  
然自失雖有管窺徒藏之腹笥而已至於圖  
書尤不敢註一語近閱岳大夫所註諸圖  
如木難波斯百寶襍陳光怪奪自私恨曰安  
得促席從公指點以畢殘生一水非遙徒自  
悵惘一日公以範圍象教圖見示欲予一弁  
其端予一生從老頭巾度日亦明半暗於易  
也淺公徹上徹下於易也深其何能復公惟

是覺公恐釋與玄之亂吾儒欲納之範圍中  
其憂患深矣憶昔有友欲打三教者予曰虛  
空之中何所不有各自為宗虛空不可剖也  
又有友欲合三教者予曰天下之道原貞夫  
一一分爲三三歸於一此自然之理太虛原  
自合也友唯唯否否公之意得無同友人之  
悲乎不佞與公皆在潛之初爻矣不易乎世  
不成乎名卽欲易世成名其誰與我惟在確

乎其不可拔釋者曰確如石聲堅確然予謂  
石聲猶有消隕堅石亦可磨磷學惟休心忘  
見則無我無我乃能遯世遯世乃能不見是  
無悶凡人得一爻卽足以疑世明夷一卦文  
王得之內文明而外柔順箕子得之蒙難正  
志文明而曰內艱貞而曰晦明潛之義可窺  
矣夫子於易曰終身焉爾一領與公請事焉

吉水友人鄒元標爾瞻甫撰

岳潛初先生聖學範圍圖說題辭

岳潛初先生著聖學範圍圖說以明二氏之  
學不出聖學範圍中而卽於聖學得所以補  
救二氏者直使異學之徒恍然自廢而揭揭  
焉距異學者亦覺於聖學尙未有窺也此其  
書於聖道爲祖述之深於世教爲婆心之切  
真可流通無間至若以否泰象吾儒則廣矣  
大矣易矣簡矣開遠因有感焉謂世道無常

否泰正在潛與不潛之間耳潛非勿用以九  
爲用然非潛九亦不可得而用也見羣龍無  
首乃能爲用能爲勿用潛之時義大矣哉釋  
氏用空自謂能潛然有大雄之心則雄之首  
見矣老氏用柔自謂能潛然有守雌之心則  
雌之首見矣夫的然以雄與雌之首見則六  
龍不可時御而剝復坎在王道爭而未有已  
情性偏漓大亂隨之而曰我且使天下常泰

無否也道溪由哉故先生救釋氏者曰陽在  
下也下則潛矣卽救老氏者亦曰陽在中也  
中非潛乎故儒以潛救二氏又當自爲潛以  
握運會常泰無否之柄庶幾乾坤不自毀又  
奚患春之不復秋而秋之不復春乎何言乎  
潛也夫道一而已矣一不可爲首是在志聖  
學者先生壯節立朝復歸而讀易對溪之嶠  
號潛初先生意在斯乎臨川湯開遠題於

仁書院

岳潛初先生聖學範圍圖說題辭

石帆先生勁節在朝姪翁右野復論易於潛  
初書院時又號爲潛初先生柱不敏因走豫  
章哭若士先生得從歸仁塾中讀聖學範圍  
圖說覺二氏在聖學範圍中而聖學又在先  
生範圍中矣如叔寧氏所稱祖述之深婆心  
之切匪虛語也顧吾叔寧氏束髮作青衿卽  
躬歸仁書院而論學焉暨皃皃在疚當闕齊

之變伏莽之戎而又能忍人所不能忍讓人所不能讓內文明而外柔順卒使玉茗清德久而愈光俎豆馨宗千祀無替則叔寧氏於潛之義又已深矣閩莆林堯程書

聖學範圍圖說

樵杰 石心岳元聲 著

哈佛大學漢和  
圖書館珍藏印

圖何昉乎昉吾孟夫子指點楊墨歸儒之義而攝之象也後學讀其書而不得其旨楊墨之辯紛如甚至溺其教而爲之徒者亦復狹小聖人之道以宗廟百官爲不足竒浸淫久之有託而逃而詩禮發塚之徒且貽笑於南華氏矣孟夫子憂之洞開天心憫此異學剖破藩籬廓然大路特詔儒者以範圍曲成之方開歸受之塗止入筮之辯斯吾正

聖學集問圖  
夫子願學孔子家風痛切人靈之愚振聾啓瞶使  
有血心者人人鞭策聖域天地之心生民之命堯  
舜之道具是學者舍是何以闢荆棘掃靡蕪何以  
體天地之撰收人物之大全使江漢秋陽之烈日  
月經天江河注地忍令二氏角立門外雄據別傳  
長作伊周傲客於吾夫子問津沮溺之懷不大刺  
謬須知學術之壞過在吾黨僭疏其義以就正於  
吾儕之誦法孔氏者

聖學範圍天地法象之圖





參天兩地屬人皇  
否泰相尋聖與狂



不得一尊標二氏


都來三界總茫茫

客問一


客曰方今參禪味玄之徒堅白其說以傲吾儒之所不知綦盛矣子何譚之易也曰吾非易視二氏二氏實竊取吾道而用之者也易與天地準故能彌綸天地之道範圍天地之化而不過曲成萬物而不遺乃顧有超三界以爲高者乎乃顧有凌五岳以爲竒者乎自以兼愛爲是見謂之仁而不知春之不能不秋也自以爲我爲是見謂之義而不知秋之不能不春也四時偏枯百物彫落吾懼六

乾坤毀而無以見易也感慨及此不禁學術之痛  
 準大易作聖學範圍圖崇一尊以攝二氏復準三  
 立陰陽剛柔仁義推原二氏本末作差別二圖以  
 明其偏仁偏義之僻首圖無極中圖太極卒歸無  
 極以明吾儒有始有卒之學使逃楊逃墨者洞然  
 曉大中至正之的便知其來也原從箇中而來其  
 去也原從箇中而去殊塗同歸百慮一致書有之  
 會其有極歸其有極其斯之謂歟教者誠如是由  
 象攝心又何慮歸受之塗不廣而入筮之有遺憾  
乎容聞之唯唯而退



聖學範圍釋氏法象之圖



錄



復



羣陰剝盡一陽來

斷髮文身出世才

六根隱見靡消息


大地潛夫不用猜

客問二

客曰子不聞西方聖人之稱乎而欲以剝復範圍  
釋氏之情狀政恐釋氏之徒未必心折也曰善哉  
問也夫不盡釋氏之情狀而駕空譚以與釋氏辯  
是入筮之招也且世之取大於釋氏者以能利天  
下也試觀其傲兀君父雄視陽明以爲如來此非  
剝後之復耶剝不終於剝故受之以復六龍上行  
五陰俱盡驅三身四智作渡迷之筏以皮囊爲幻  
化而謂空空子不足以見天地之心是誣釋氏也

見天地之心而毀天地之形自以為幽贊王化而不知已明棄倫常聖學之所以範圍天地不如是其兼愛之辟也儻其一日反經則逃墨歸儒孟夫子曲成盛心千載如生矣客曰誠如是夫業已釋氏之徒矣又遵何道而不詭於聖也在乾之初九曰潛龍勿用湯在下也龍潛則不至過乎亢何偏仁之不可歸而儒也吾敢借潛龍之義以進夫釋氏之卒為釋氏之徒者而謂剝復不足以範圍釋氏乎子其退而參之無輕譚

聖學範圍老氏法象之圖



大

佳

衆生險處處中央  
實腹虚心道者漿

坎



離

白日羽翰非奇事

泠泠玉液細嘗嘗

客問三

客曰子不聞柱下猶龍之稱乎而欲以坎離範圍  
老氏之情狀政恐老氏之徒未必心折也曰善哉  
問也夫不盡老氏之情狀而逞玄譚以與老氏辯  
是又入筮之招也且世之取大於老氏者以能自  
利也試觀其致守虛無雌伏陰符以爲竅妙此非  
坎中之離耶坎不終於坎故受之以離抽添尾間  
消息崑崙取五金八石作服食之糧而以形骸爲  
蟬蛻謂玄玄子不足以窮日月之變是又誣老氏




也窮日月之變而私日月之照自以為逃生物表  
 而不知已偷死人間聖學之所以範圍天地不如  
 是其為我之辟也倘其一日反經則逃楊歸儒孟  
 夫子曲成盛心千載如生矣客曰誠如是夫業已  
 為老氏之徒矣又遵何道而不詭於聖也在易坤  
 之六五曰黃裳元吉文在中也能中則不至流於  
 險又何偏義之不可歸而儒也吾敢借黃裳之義  
 以進夫老氏之卒為老氏之徒者而謂坎離不足  
 以範圍老氏乎子其退而參之無輕譚

皇朝通志卷四十五  
 十五



客問四

客曰卦有六十四而子以剝復象釋氏以坎離象  
老氏以否泰象吾儒其為教也夫乃偏而不全畧  
而不詳有遺象歟曰是不然言剝復而一陽一陰  
之卦盡之矣如坤逢雷自復而師而謙而豫而比  
而剝皆一陽之卦也如乾遇巽自姤而同人而履  
而小畜而大有而夬皆一陰之卦也言坎離而二  
陽二陰之卦盡之矣如自臨而明夷而震而屯而  
頤而升而解而坎而蒙而小過而蹇而艮而萃而



晉而觀皆二陽之卦也如自遯而訟而巽而鼎而  
大過而无妄而家人而離而革而中孚而睽而兌  
而大畜而需而大壯皆二陰之卦也言否泰而三  
陽三陰之卦盡之矣如自泰而歸妹而節而損而  
豐而既濟而賁而隨而噬嗑而益皆三陽之卦也  
如自否而漸而旅而咸而渙而未濟而困而蠱而  
井而恒皆三陰之卦也易之道一而二二而三三  
生萬物盡之矣一不兩不三三不兩不六六六而  
參天兩地之事備矣聖學所以範圍二氏而不遺

政惟此易簡之配至德也而子乃執象求之是緣  
木而求魚也去易之道遠甚子其退而參之無輕  
譚

山行雜記

余觀記山水者多矣連篇累牘無不自以爲適於山水者細按之則不然蓋人好山水必其厭苦世網塵纓而藉山水以發其清恬閑曠之趣若夫胸中廓然自能清恬閑曠將無在不適又何必適于山水故凡待山水而適者必其心先有所不適者也

以不適求適何異于以八音娛聾以五色  
治青安能定其致趣得其情性哉近世一  
二名家每擇名嶽而游游必記記必做古  
文辭卽多雅馴而求其一覽了然若身涉  
其中者殆未之有也乃知紀勝董狐良不  
易得下者記姓名中者著形象上則能使  
烟雲淋漓千百世入人眉睫至于能宣游

者之高致攷風俗之利病又豈特盤情娛  
目把玩清暉已哉柳州鉅鉅諸篇實堪傳  
神進而漁父江臯屈大夫至今不死更求  
其至則三百篇田工士女言言自適蓋能  
自適者觸景寓物每得其真卽自陳其不  
適之情政所以爲適耳余非能適者而登  
山臨水時能以清恬閑曠心記之詞無詮

次曾不知於諸公雅馴者何如第稱曰山  
擣杵水春秋尚庶幾焉而史外傳心亦時  
見於筆端云爾

其至因三百餘田工華亭宋彥識

慨然而然文或旱風大夫至今不

日與及清輒已若味亦險險

亦之何廷文風谷之休歲人豈

陳眉公訂正山行雜記

華亭宋彥著

繡水

沈德先

戴全祐

校

三月十六日入山乘欵段徐行道經嘉興觀下  
庄橋萬壽寺道上杏花夾繁李山桃盛開遙見  
香山碧雲諸峯半山如積雪白雲撲面香氣襲  
骨前視家口輿馬絡繹回顧小車載瓶粟輓輓

山行雜詩  
輕陰嫩綠中便是葛翁移居圖惜余不久又將  
出山耳

抵青龍橋東張氏房寓下馬倦甚小憩至日下  
春策蹇至玉泉山訪千賢僧歸已暮矣酌村醪  
三四杯步橋上淡雲微月烟樹朦朧四山夾水  
兩水夾橋橋下流水雪雪有聲徙倚久之四顧  
村中燈火光滅盡乃歸歸坐窓下聽雨更餘乃  
寢

曉起雨初霽開南窓見甕山磊磊諸石如洗出  
紺玉啟北扉望金山松柏菁葱掩映臺殿翠色  
欲滴忽白烟一縷如線亘天漸遠漸分如蓋如  
席白雲四出晴色朗然矣急握筆記之乃櫛沐  
甕山前仁慈菴荒敗有古意入門三百武兩傍  
椿樹夾之登石磴二十級有堂三楹兩廡翼之  
西廡前爲樓看山下水田綠映北壁數塍外卽  
西湖恨樓卑不能多得水使十里澄光若縞帶

耳

仁慈庵左爲圓靜寺寺門度石橋大道通湖堤門內半里許從左小徑登臺精藍十餘室室西爲殿三楹左右各精舍一間面全湖水色地據山腰觀湖第一處余欲暫假信宿土人云其主僧號淨香住西方菴富甲西山非顯要不交那得輕留宿余訪之果然復從右小徑得一僧舍湫隘殊甚其僧老病一徒乞食于四方遇余欣

然因留寓

青龍橋南里許爲西方菴東望據湖杪一區菴左爲中貴義塚庵今受司禮三十餘人供養下院頗多湖上膏腴水田皆屬王僧僧甚富梵宇不雄偉而極精嚴庵後一樓尤工緻余訪淨香久不得見一僧出揖桀然有貴人風

京師城內外諸山諸名利皆有下院居俗人室家所稱名師耆宿亦時過其地京師名爲和尚



家

西方庵稍南爲三元寺甚隘而頗得水木之勝  
青龍橋北半里許爲曹家山妙應寺殿扃不開  
殿左傍小逕直上里許從東山坡百武趾西轉  
登石級三十餘層爲毘盧殿山高望湖僅若一  
盆蓋東顧都城雉堞左臂可扞聽橋下水若挂  
千琴于松間風吹無斷續聲與下聽者迥絕  
看水宜近看山宜遠聽水宜高水近則曠山遠

則深聽水愈高則聲愈響

西湖北岸長堤五六里砌石古色可愛夾堤烟  
柳綠蔭參天樹多合抱者龍王廟據其中僅僅  
一廛耳堤下菰蒲荇藻交映翡翠西北諸山環  
遶鳧鴈滿中流羣飛聲振林木夏月行堤上內  
視平疇千頃綠雲撲地外視波光十里空灝際  
天諸峯秀色在眉睫間絕無武陵脂粉氣更可  
賞也

西湖水每合計重三兩山間井水每合重二兩  
八錢五分湖水淡微甘山間水則甘而冽耳

春雨淙淙二日霽後登山看花俱泫泫不禁李  
花微作黃色杏白如粉海棠酣色退盡少頃風  
掠山巔松濤頓發飄瓣滿山如積雪花事至此  
遂盡

度三元寺即功德寺昔時壯麗直比祇園今廢  
矣 聖駕幸西山於此駐蹕牆外古松圍之盡

作蛟龍偃蓋中則森列古栢青皮溜雨黛色叅  
天山勢回繚拱揖入之真深山窮谷也

日將入步西湖堤右小龍王廟坐門闌望湖湖  
修三倍於廣廟當其衝得湖勝最全墻東角臨  
湖有一線路側身轉入隙地半規更堪坐坐少

許山作赭色已而霞光萬道貫地亘天被堤綠  
楊如城隔水山如青綃水紋如絳縠鋪地既若  
紅色欲燃久之霞漸紫而暝烟合矣月色東上

山行雜記  
五  
爍爍浮動鎔金跳溢山漸白樹稍青所稱玉漱  
金塘不是過也

西湖蓄水專以資運河湖濱多水田春夏間頗  
苦旱夏秋間又苦澇莫若專設一司精究水利  
湖宜開廣濬深諸山水溢則能受諸田苦旱則  
能洩閘司又俟淺深以啟閉則運無阻滯而三  
輔內膏腴可相望矣

問土人勝游處必稱碧雲香山余殊以爲不然  
乃望山路逶迤處隨山行遶功德寺後過金山  
口見一高峯插天峯頂時見紺殿乍急趨之行  
數里道經諸王寢園中丹垣碧甍蒼松翠栢時  
掩映馬首而荒寂絕無僧舍民居路多礫石不  
可行向所見紺殿已不可卽矣僅見一谷口頗  
幽邃騎不能上乃下馬步上坡二里許山路稍  
南則南行度大壑沿壑行又二里許朱門煥然  
上書寶藏精籃入門南向上石磴荒圯傍深壑

頗可畏二里許見廢寺披宿莽陳芟而入入門  
百武上石級爲天王殿再百武上石級爲寶藏  
殿殿右傍小逕上石棧棧凡五轉每轉可二丈  
餘棧盡爲臺臺有觀音殿二十里外所見紺角  
者卽此也殿前視門外嶺若樹屏在門則向之  
所謂高峯插天者耳更上度數嶺嶺巖嶮陡峻  
攀莎草扳蕨乃上可十五六里許登中峯頂東  
瞰宮闕闐闐歷歷可指南皇房山北皇居瀟若

聲響可應爲諸山第一奇觀下嶺從舊路下石  
棧盡處觀甘泉泉在石罅中出甘冠西山北寺  
係正統四年爲西域僧道深建深爲金碧峰第  
子與解學士紳胡宗伯淡成國勇友善游金山  
口偶過此山得甘泉一掬因留此建蒼雪菴後  
勅賜名寶藏寺泉從殿前行上下有八景今泉  
非故道八景蹤跡不可尋寺亦頽敗矣然而古  
意雄觀更爲增勝未審數百年後碧雲香山得

似之否也

十九日早步湖上誦春草碧色春水綠波句思  
都門有遠行客宿甫仲舍且祖道折柳以贈而  
余不得爲南浦別大爲黯然

功德寺西二里許爲玉泉山山下有望湖亭亭  
臨半規池池中一石塔蓮露頂頂沒則是歲苦  
澇矣池名躡薄湖自此二縷至山前右折而南  
爲金山寺左上臨石壁數丈下滄一泓南北修

二畝餘橫半之復折過寺前泉皆從石底噴出  
汨汨有聲清徹如鑑四散灌田數百頃山有二  
洞名上華嚴洞下華嚴洞寺亦名華嚴寺寺室  
僅僅數楹而俯瞰湖光殊可喜上洞深十餘丈  
寬減之下洞亦如之獨洞前皆屏以高垣使不  
得外眺則殊不可曉也

金山寺東廂三楹推窓臨石壁看水朝曦夕月  
別有奇觀西山中觀泉第一處

山行雜記  
金山寺轉右爲玉泉山西名瓦窰頭西向有隆  
佑菴數廡門有垂楊柳內蒔名花時卉楚楚可  
觀

從玉泉山後北行三里許有真武廟爲金山口  
金山逶迤五里度嶺凡一中嶺鑿石通道下嶺  
四里許至冷泉村過村每見道傍有水田水無  
蓄渚亦無一線飛流每每於田間見水竇如鉢  
如釜泉從底噴起底見白沙非石也一竇之味

灌數畝更二里許村曰泰州務後卽畫眉山山  
有黑龍王祠入門上石級碑亭一再上石級列  
碑亭二皆歷朝禱雨靈應而記也再上石級小  
殿三楹中居龍王像碧甍丹棟燦煥可觀自下  
亭東下歷石巖甚奇古乃見龍湫圍廣十畝水  
從石罅中瀆而泉底正出與玉泉同酌之涼沁  
入骨覺玉泉微甘軟從東垣下溢出田間潺潺  
有聲川氣直冒山嶺山前俱成水田然不能如

山行雜言  
玉泉之綠雲彌望也

自冷泉至烏龍潭數里內俱可成水田惜僅寥寥數塍耳土人云粲不及至玉泉之堅實以水太寒故也

余既遊烏龍潭不欲循故道歸問行路云度高嶺卽臥佛寺策蹇趨之復遇童子指曰此嶺絕高名半天雲當避之而從南遶數里得卑嶺易度余喜半天雲之名竟趨高嶺嶺圓如髻度一

嶺一髻復起如是者十三嶺始得登巔每嶺可二里許易則騎險則步將躋顛三嶺益險不容騎路隘若一線所謂前人視後冠人頂後人見前

人履底者也始百步一息再五十步一息再三十步二十步步不勝苦息則得遠眺闕外諸峯苦足娛目聊得自慰四面數十里皆童山絕無樹木不問人烟矣登頂四望雲在半山彌漫不見山根望都城如綦組一片平鋪僅能數天寧

慈壽白塔諸浮圖不能若寶藏頂分明也下嶺  
三里許復值一峻嶺如磨盤每盤直下三百武  
凡五十四盤至山腰不數仰山十八矣嶺盡得  
石坡路甚滑七八里得廣泉寺傍水行出臥佛  
寺乃歸

臥佛至玉泉道上有壯節祠已傾圮左傍卽其  
墓道栢甚古碑文乃 諭祭文曰某年月日遣  
某官想重修時不能攷而然者也文中稱崇安

侯謚壯節譚公而無其名益靖難武臣戰死者  
耳

十九夜燈下遣奴子入城作書致友人凡六封  
握筆媿媿不休臨發有不盡重題緘外若題家  
信因吟明朝更度桑乾北遙望并州是故鄉詩  
大爲切厥

是夕倦甚靜坐久之偶思居城市日久便欲入  
山求靜恐非真靜政是好動一念惟久而無他



念乃真好靜耳既而思之以爲不然坡公云凡人坐久思行眠久思立然而行立者終知不若坐臥之安也則城市安得與山林比哉  
半天雲諸嶺雖無草木而石最可觀凡所謂鍾鼎旗鼓墩柱樓閣之形伏虎飛龍倒馬翔鵬之勢礫硤礲砢岬嶸嵯岬之奇無不備具所最奇者有三一則石大如室中有一線若鋸分者而內有石丁復連不斷一則欹側嶺上欲墮中一

穴可容身入內空處五六尺可跌坐上復有二竅甚明朗一則方石三四丈許黑色有紫紋如梅花瓣瓣中有細竅取澗水灌之水四面溢出如珠想諸竅皆宛轉相通天下奇石無踰此矣  
臨臥將斗鍋貯水置爐上一覺後漸聞涓涓聲已而淙淙不輟瀉石雲濤夜靜逾響側臥枕上耳實則聲愈高且鏗然有餘音便不減錢塘戰鼓乃知枕上聽湯泉處處可得惜乎人不解也

每思古人一丘一壑之言以爲此真好山水者  
蓋真好則一過心適之地必誅茆結宇耕雲鋤  
月以終其身頃刻不可離矣若夫廣慕名勝徒  
事游覽是山水奴僕耳至于鑿石引泉高臺複  
宇裝飾景物又是游人奴僕耳吾鄉趙凡夫庶  
幾於此而剏建精藍亦覺多事大率山水如交  
道知己多不足以言知己知己而感恩多則不  
足以報知己故好山水者必不廣陟山水得山  
水趣者必不求多於山水

圓靜山房西垣小窻尺許啟之見鄰僧屋後梨  
花一樹燦爛奪目少頃日光返射瓊影瑤輝映  
入滿室昔稱玉山朗照映人今喜得此玉樹  
北地入春少雨每數日必一風風則草木皆變  
柳之甲拆綻眼破顰垂線無不藉風道路青草  
亦然唐羅鄴春風詩云暗添芳草池塘色信不  
誣也

山行錄  
從望湖亭度嶺五六里許爲臥佛寺寺前列古  
栢百株翠色可愛度白石橋山門爲樓建白石  
塔於上殿宇廊廡偉麗兩夾道皆僧舍向南層  
列各精雅有致殿右側出小門西數十武有巨  
石突然中立高可三丈鑿石爲級以上上有觀  
音堂一楹前臨池右有泉有橋四圍皆石壁古  
樹度橋爲隆教寺泉從寺前度泝泉行逶迤宛  
轉二里許則爲鍾鈿滿漈聲矣復循水行二里

上嶺爲五華寺寺當山口如甕口一罅外眺極  
有別趣下嶺復循水行再登一嶺爲廣泉寺寺  
亦古泉亦稍烈再上卽通山北道也循故道下  
復上得圓通菴菴右爲太和菴泉水源于此一  
方亭據其上傍泉多烏押文杏秀石峭壁相錯  
凡濺石縈叢回流咽激飛絲挂布噴玉灑珠無  
所不備度泉有鳥道行三里許得普濟廢寺寺  
前一嶺上有小圃中一石如鉢水冬夏不涸取

汲多于此過此則山益深中有狼豨遂不敢上而止

臥佛南度嶺三里許爲碧雲寺蒼松翼門遙見翠微影紺殿朱門亦自可喜入門殿宇大約同臥佛而僧寮在兩廡後東西向卑列無幽邃意殿前二方池石甃楚楚蓄金魚游人以爲奇觀右傍小徑至石壁下一泉出焉清甘可酌其陽有方亭修竹叢叢大有瀟湘雨色殿後石塋甚

整爲于中貴塚故亦名爲于公寺

碧雲南二里許爲香山山逕兩傍夾嘉樹四面多果園花時如錦入山漸高樹益嘉新松偃蓋弱藤懸鉤迂迴林谷出沒烟雲寺極新煥石橋廣數丈據平坡曠有幽致殿宇亞碧雲而僧舍蕭散勝之殿後爲真武殿石級僅十餘層而兩傍緣以鐵鎖蓋效顰太和山也左入觀音閣閣右爲軒三楹御書來青軒憑欄遠眺壘翠深

山行雜言  
雲俱廊廡間物夜坐遲月上千峯次第掩映流  
泉數曲若縞帶銀繩浮光漾影于紺碧蒼紫間  
極爲佳勝無月時夜半起看星斗珠輝鑠鑠衰  
露凌霜樹色有光無影山嵐宿霧微分此山中  
第一景人不易知也

香山碧雲臥佛山本相屬游者亦無不並稱臥  
佛稍久樹蒼古可玩而又多烏桕秋時滿山紅  
樹掩映飛瀑其勝在泉香山之勝在逕逕之勝

在樹樹之勝在新秀春時青若紫茸高掩杏園  
秋時黃樹蒼藤參差楓葉爲西山第一境碧雲  
有竹可觀殊不逮兩山也

香山嶺上至碧雲僅二里許所經皆果園路左  
右皆短石垣極有幽趣

山中最多者杏花間有栳花杏花較江南甚白  
山桃花瘦而緋淺李花穠艷倍江南所以花時  
入山遙望滿山如雪僧舍間有海棠甚珍然亦

玉質微梢生紅不似南中深紅也

春暮坐臥佛後泉水頭聽泉聲淺亂而下澗邊  
繁英飄墮時縈結如搏旋轉久之始得下駱賓  
王聚花如薄雪沸水若輕雷爲此詠也

香山南爲門頭村村後爲萬安山山門上建白  
石塔爲弘教禪林入門爲大神通塔院登山逕  
臨大壑二里有石橋度壑爲曹家廟徑轉折而  
上繚以青垣仰望旣少致而室宇前復不得外

旣從東殿側有徑徑有臺眺玉泉西湖如鏡惜  
不於此地作室稍北有樓五楹樓左登石逕得  
一亭俱少堪眺出門上百武爲翠巖寺後室饒  
幽趣寺右小逕環遶上爲古碧雲更間寂下寺  
度橋又里許折一坡左上有平臺爲弘教寺臺  
寬三四十丈大亭據其陽可四眺入寺殿宇亦  
寬殿殿後有泉飛遶方丈而行甚清冽循舊坡  
不半里爲古聖祠中列聖賢像甚湫隘而且傾

山行雜言  
地矣祠前上石磴二十級爲中峯菴登石磴三  
磴皆三四十級入門中堂五楹翼以廡廡俱精  
舍中庭高松蔽蔭不見日光門右壘石臺結方  
亭亦名來青軒適當山口望千里平蕪悠然心  
遠西山中最勝此爲第一  
曹家廟至中峯菴凡數里道傍雜樹深秋時蒼  
黃紫翠無所不有菴居最高處傍菴多古松松  
間鼠時竄促上下絕不畏人

由古 equal 尋道上嶺云可度平陂余以足疲不能  
往竟中止下一嶺俯瞰香山臺殿樓閣參差松  
靄間可作仙山圖畫一粉本山房夜坐遣人携  
瓶汲寶藏泉歸滄松蘿茗雪濤初瀉碧綃破剪  
滿室作九畹香氣恨無人共賞適小童在都城  
來携仲舍柬至中云二十二三當訪余于山中  
覽之喜甚迴還復閱嗽至七碗乃罷  
中峯下有鮑中貴基建香火名延壽菴前樹高

垣兩傍爲門相去二里許夾路古槐中通廣道  
門外二松皆合抱千枝交起翳蒼繁廣門內二  
百步至山門橫倍之石級左右屏列松四株虬  
輪層蓋如畫老勝於門外入門復分立四株庭  
廣半門外上爲天王殿殿內爲佛殿極壯麗兩  
廡十三楹承之殿後方丈亦相當兩廡外更多  
精舍內外庭砌亦極工緻都下雅曷之地無與  
爲比也

中峯下南過龍泉禪林爲靜妙庵亦名滕公寺  
蓋滕中貴墓也由朱欄版橋入門寺極藻飾方  
丈在左甚寬廣出門循大道而南度惠寺慈  
應寺崇壽寺宣化寺俱荒陋而石塔隣峒紺殿  
隱見於松栢蒼翠間極爲行人點綴數里至萬  
佛閣夕埤新葺閣九楹中三楹供佛東西皆書  
室極精潔几榻皆文梨赤檀僧大圓一高足甚  
韶秀熟口內典過寺爲杏子口過嶺道傍皆杏



山行雜言  
杏皆百餘年幹老勁絕似金陵靈谷梅山上杏  
較道上稍小數里爲嘉禧禪林古栢四圍外不  
見寺再數里爲善應寺登山卽平陂逕矣始上  
山度石梁二三坡甚峻上漸平逶迤數里幾至  
山顛乃得寺爲大圓通殿前松甚古寺俱頽廢  
出寺門左渡澗澗中石俱有金銀星上里許爲  
寶珠洞洞不盈丈有僧寮在焉從山凹處見杏  
子嶺北諸山水極可喜下山俯見杏林真如堆

雪又似姑蘇玄墓山間梅也山右有龍泉菴龍  
廣寺右接代寺再下復從右一谷入得證果寺  
再右得清涼寺清涼荒廢殆盡然仰看平陂不  
減金陵祖堂看牛首耳

登平陂最艱獨宜花時秋日然其妙蓋在四散  
精藍古刹尋幽探勝襲陟有餘興令人忘歸也  
平陂南數里有碑南山第一路路甚廣道傍皆  
古槐路砌紫圓石鱗鱗淨無塵人烟鷄犬縹緲

山行雜言  
雲中不減武陵居過承恩寺里許爲海藏寺循  
爲徑徑兩傍俱嘉樹幽古倍勝他山三里許爲  
寺四山駢羅相圍獨此寺若當缺口殿後方丈  
最高望蘆溝橋一帶水縈繞行旅車騎可數山  
中遠眺處不少而此以得水爲勝下寺門循古  
道一橋當澗道三分一通寺一通山後一通上  
普濟寺普濟太枯寂爲度嶺處

西山固多佳勝然未得勝已先碌碌塵念中數

十里矣不若覓寓青龍玉泉間出門便是山陰  
道也惟雪中策蹇登山爲一快耳

功德寺前度橋循水行直至玉泉寺門南二橋  
過金山寺橋蜿蜒六七里孤蒲菱芡絲柳青楊  
叢羅屬繹其間絕岸頽堤芳洲曲澗紅彩碧滋  
燦然奪目竟日如在鏡中行衣無纖塵也

燕山極宜括鮑家寺皆合抱云是八十年物中  
峯菴曹家廟云是三十年物

山行雜記  
山中諸泉圓通寺前水第一甘清香冽皆備寶  
藏次之甘稍勝平陂諸山稍淡碧雲玉泉稍軟  
烏龍潭大冽矣

眉山郭忠恕贊空濛寂歷烟雨滅沒只此八字  
一幅生絹墨妙儼然在前非深於畫者不能爲  
此言亦非深於畫者不知此言之妙余所寓山  
房僅得容膝四山圍繞掩映短垣遮窻窻前垣  
缺處從綠楊景裡晃朗一片湖光千峯倒入浮

動墟烟晴陰明晦昕夕變態百出不知於斯言  
何如也

山行雜記

# 冬官紀事

賀鳳山先生冬官紀事叙

心亦一意而亦大

自古公忠爲國之臣不有其身曷論名鄉愿不顧護名甚周乎然使鄉愿爲國人情止期乎調停物論止期乎諧合巧使吾身成忠信廉潔之名而不顧國家受破冒胥越之害又奚賴焉吾讀冬官紀事而甚有感也冬官紀事是吾年友賀養敬所類錄其尊公鳳山先生爲繕郎時諸所經畫而自叙其首簡詳味其語意若重惜人臣本爲國竭忠盡瘁一意圖節省而更得糜費

貪婪之名以不職論去是非命耶余曰人臣患  
不爲國竭忠盡瘁一意圖節省耳使誠有此志  
糜費貪婪之名不職論去已蚤自知有此何也  
朝廷建大工莫大於  
乾清坤寧兩宮所費金錢有原例可援乃先生獨  
省九十萬夫此九十萬何以省也是力爭之中  
璫垂涎之餘同事染指之際者也割中璫之羶  
而形同事之渥不善調停人情而諧合物論莫  
甚於此乃先生竟不暇計直孤行一意而赤矢  
此心者爲

主幹 國之忠重而徇私營祿之念輕也夫如是  
身自可以圖利圖名圖美官而故不屑爲而又  
何言命耶卽命之權誠重然當其時孤行一意  
赤矢此心雖使命撓我以利以名以美官先生  
亦當與命抗而不受矣故吾謂忠臣爲國不言  
名忠臣爲國不言命嗚呼爲國如鳳山賀先生  
者可也

萬曆戊午夏五年家晚生丘兆麟題

冬官紀事叙畢

冬官紀事序

夫士所貴於持身則在植節矣臣所貴於致主則在盡力矣節植之謂志士力盡之謂能臣人或言持身致主之際患心不能自滿耳心苟卽安豈憂不知哉嗟乎是殆未深知士之有命也夫士豈直以升沉言命哉凡樹奇節而著勤力莫非命也何言乎蓋節不遇其時不得彰灼力不當其時欲効用無由也且夫人之識力果甚遠乎嘗觀古稱豪傑豈皆絕異而不可幾及

或亦猶是人也乃且有鉛刀冒莫邪之鋒康瓠  
係周鼎之品矣則以事之所任者重而時之所  
履者順於是乎幸居其成者有之若夫忠知之  
人苟不得用於天下國家之大事而徒以猥瑣  
羈豪傑之身將峻節孤忠亦直瓦礫視之耳幾  
見能於尋常中具豪傑之品題哉故曰有命也  
先公筮仕起曹日惟土木是司夫土木亦臣職  
也司空之官古鳩鳩氏之任第以郎署効奔走  
則簿書期會非有關於

朝廷之輕重縱云竭忠盡知迨程功課績直一  
土木而已矣雖然苟官修其職土木何不可盡  
瘁惟是財欲節而目之以費守實介而歸之以  
貪於是始知任事有甚難者先公之於土木其  
大者乃在

兩宮而先公之顛躓亦以是役計先公於

兩宮之費直七十萬有奇而冒不白之疑以鉅萬  
夫於金穴中守介節恒人不信而以七十萬竣  
兩宮恒人尤不信乃七十萬確有可稽而先公獨

加以不韙之名何也廉於

國而貪於身論人者豈真有別術度人哉勞則  
亡矣節亦晦焉是先公之命也夫先公以一官

謝

知遇亦何憾何求獨念士人起家遇

主亦欲尺寸自樹先公半生砥礪半生辛苦竟埋  
沒於土木中是可傷也假令以先公之才知用  
以當古豪傑之所難則綜理經營何必非盤錯  
之試狐鼠瓜李何必非是非之叢履危機而塞

漏卮何必非利害之會以其所備嘗試諸所難  
措豈遂不足以効一割無如其竟如斯也用力  
與古人同收効與古人異所處之勢然矣是以  
曰有命也謫守一郡又渺乎小矣嘔心傾膽於  
廟堂之上祇結怨而不九知况欲從千百郡縣  
中顯循良之頁哉或曰

國家設立起部二百年未有以難告且隨事可  
以樹奇何必不起部蓋公自難也是非利害皆  
公之所自鵠也且往例有徵不可循乎嗚呼例



將焉循而可前乎例則爲

二殿增官增賦是一例也

兩宮之役先公不能擾也後乎例則爲

兩宮創造者以七十萬竣工而受成者以百十萬  
尾後是又一例也然則例將焉循而可先公不  
善循例因不善樹竒徒以省易怨置身於是非  
利害中卒受其懋聞是先公之拙也已悲夫傷  
哉先公已矣壯年精力盡用以供萋菲二十餘  
年之通籍僅完土木一事而不克善其後是以

重悲先公之不遇也非謂起部誤先公謂先公  
竟以起部誤不得以其可用之才力馳騁於古

豪傑之會磊磊落落方軌前人乃亦拮据亦擔

當亦執守竟亦沉落人亦孰知上木之中果有

峻節孤忠之士哉是以歸咎於命也蓋所感在

升沉之外也用是土木之事輯成一帙名曰冬

官紀事若夫就中之苦心益猶有諱而不敢盡

言遺而不及盡識者存其槩可也非識其有異

識其所職也夫守官者以盡職爲能秉筆者以

錄善爲大郎署雖微獨非

朝廷之官也歟哉倘存褒貶於庶官之中核虛

實於有據之事筆之若曰萬曆某年月日鼎建

亂清

坤寧兩宮郎中其實任其事以金錢七十萬竣役

省金錢九十萬有奇視

三殿費所省無筭以不職論去是亦先公夙昔猶

介之守而一日趨事之勞也沒且不朽矣鄙延

兩月濩澤再期或志以特阻或事以官微傳有

之守官廢命不敬故毋或敢不盡其力焉亦畧

附於後鄉居事則狀中述之矣

萬曆歲次丙辰仲秋之吉不序男仲軾泣血書

陳眉公先生訂正冬官紀事

檇李 沈德先天生

繡水

陳臯謨襄甫校  
沈世清自風

萬曆二十四年鼎建

乾清

坤寧兩宮公以繕司郎中身當其任事體重大工  
費浩繁創建之始千條萬緒措手為難乃將本  
部堂司儲貯歷年大小工程題議疏稿盡數檢

閱時當五月末旬炎蒸如火舊卷爲塵漸清  
土灰盈頭眯目殊所不堪然不得其詳不敢止  
也然卷多殘缺心如火熾復向工科署科事給  
事中楊公應文將本科貯木部一應疏稿自嘉  
靖三十六年修

三殿起至本年春季止日給五冊閱訖再換就中  
凡係建修盡數手錄五百餘紙令書辦抄真共  
六冊四百餘葉除小小關係并可裁酌者不開

外

一查得

三殿川湖貴採木事例總理則欽差侍郎劉公伯  
躍副都御史李公憲卿分理則添註郎中盧公  
孝達等二員副使張公佑等二員鼎建

兩宮公題採楠杉等木止責成撫按一守不遺

一

三殿該吏科給事中劉贊題各省直丁地內歲加  
四派銀一百萬兩特差御史林騰蛟唐自化等  
員摧攢鼎建

兩宮公止取給事例銀兩尚有贏餘分銀不恐加  
派百姓

一  
三殿採浙直鷹架平頭等木欵差郎中吳道直李  
方至蘇州燒金磚欵差郎中戴愬鼎建

兩宮公具題以銀二萬兩發江南而鷹平至以銀  
二萬兩發蘇州而金磚至以銀二萬兩發徐州  
而花班石至未嘗添註一官

一  
三殿大石窩採石欵差侍郎黃光昇總理而分理  
又差二主事理刑又差一主事鼎建

兩宮公具題止差主事郭知易官不勞而石至

一  
三殿中道階級大石長三丈闊一丈厚五尺派順  
天等八府民夫二萬造旱舡拽運派同知通判  
縣佐貳等率之每里掘一井以澆旱舡資渴飲  
計二十八日到京官民之費總計銀十一萬兩  
有奇鼎建

兩宮大石御史劉景晨亦有僉用五城人夫之議  
公用主事郭知易議造十六輪大車用騾一千  
八百頭拽運計二十二日到京計費銀七千兩  
而縮

三殿拽運木石車騾盡派順天等八府興建

兩宮公具題造官車一百輛召募殷實戶領車拽  
運計日計騾給值其官造車價每輛原銀一百  
兩題准每年扣其運價二十兩以五年為率官

銀固在一民不擾

一  
三殿夫匠取之河南山東山西等處興建

兩宮公俱給見錢召募

一  
三殿金磚顏料派之雲南南京廣東興建

兩宮公俱召商買辦

一琉璃磚瓦等項共燒一百七十萬而縮計

兩宮片瓦不少止用九十七萬有奇計剩七十餘

萬

一

兩宮自萬曆二十四年七月初十日開工起至二十六年七月十五日計

乾清宮

坤寧宮

交泰殿

暖殿

披房

斜廊

乾清

日精

月華

景和

隆福等門

圍廊房一

百一十間弁帶造

神霄殿

東裕庫

芳玉

軒豎櫃二百四十座板廂二千四百箇通共用

銀七十二萬有奇內鑄錢用銀十二萬兩積出

銀四萬兩實用庫銀六十八萬兩有奇

一每銀一兩鑄錢六百九十文市上每錢四百

五十文換銀一兩給與夫匠工食則以五百五

十文作銀一兩每銀一兩收利一百四十文然

當時止給夫匠令小委官按各給散舖車灰窰

一槩不給蓋夫匠雖日散十萬錢然人止得三

二十文散之槩京若舖車灰窰動領數十萬錢

積之一處蓋錢散之則貴壅之則賤此必然之

勢其後錢七百文乃值銀一兩或亦槩給之過也

一二火黃銅用一十一萬斤該價銀二萬二千兩商人沈應元等稟稱買銅卽賠數千兩不惜然銅數若此一時豈能驟辦乞寬假容往南京收買公謂工程急如星火兩都往返淹遲時日豈能有待查得丁字庫銅積如山中貴者至之乃命商人持一帖求之中貴云云然費不過二百金勿論二萬二千兩之帑金不出而事亦咄

咄辦矣

一公二十六年七月二十三日陞湖廣叅議

命下節慎庫貯管繕司銀除借與屯田司十二萬兩都水司九萬兩虞衡司三萬兩外見在銀九十三兩兩有奇親手付之繼任者令其接續存積以爲

殿門工程之用蓋以

兩宮就緒之費斷不加於創始別工煩多之費斷不加於



兩宮按

兩宮之迹而行之一二年則

三門之工綽有餘用不謂公去未期而庫藏若掃

向斯以觀公之謫也不亦宜乎

戶兵二部應協濟銀各三十萬

未用

兩宮初與鑽刺請托蟻聚蜂屯公一槩峻絕外至於見之牘奏如四川差內官採木則有百戶李綸改臨清窰于武清通州內官監督則有指揮

林朝棟百戶張文學採五臺山沿邊樹木則有

西河王公俱具稿呈堂題覆仰藉

聖明一切報罷惟有徽州府木商王天俊等千人

廣挾金錢依托勢要鑽求劄付買木十六萬根

勿論夾帶私木不知幾千萬根即此十六萬根

木逃稅三萬二千餘根虧國課五六萬兩公深

鑒前弊極力杜絕天俊等極力鑽求內倚東廠

外倚政府先捏洛金源妄奏奉

旨工部知道幸工科給事中徐公觀瀾抄參公得

呈堂立案不行前商復令吳雲卿出名再奏而  
買木之特

旨下矣於時奸商人人意得氣揚謂爲必得之物  
可要挾而取之傍觀者明知其不可亦莫能爲  
公計部堂亦竊笑曰不看賀郎中執到底耶公  
乃呼徽商數十人跪於庭謂之曰爾自謂能難  
我耶我如不能制爾爾則笑我矣今買木旣奉  
特旨我何敢違然須有五事明載劄付中今明告  
爾勿謂我做暗事也一不許指稱

皇木希免各關之稅蓋買木官給平價卽是交易  
自應行抽分各主事木到照常抽分一不許指  
稱

皇木盍撞官民舡隻如違照常賠補一不許指稱

皇木騷擾州縣派夫拽筏一不許指稱

皇木攙越過關一木到張家灣部官同科道逐根  
文明具題給價見今不給預支於是各商失色  
僉曰必如此則劄付直一幅空紙領之何用公  
曰爾欲劄我但知奉

旨給劄耳劄中事爾安得禁我不行開載各商知  
公不可奪又懼此事一行後日路絕遂皆不願  
領劄向東廠倒贓矣於是東廠大怒遣緝役緝  
公事于原籍中而不悅者從傍煽禍必欲置公  
於危地此時公禍在不測未幾東廠死政府免  
公私慶若徼天倖然而竟不免矣

一鼎建

兩宮除事可徑行并難形紙筆與瑣瑣小事不載  
外其條陳奉有

明旨者畧具于左

計開

- 一議徵逋負查催各省直拖欠本部四司料銀
- 一議協濟查得嘉靖三十八年與舉大工戶兵
- 二部各協濟三十萬兩其贓罰并內外文武缺
- 官俸薪契稅商稅等銀合無咨行戶兵二部并
- 各省直撫按嚴查確數酌量解用南京庫銀亦
- 查見在若干咨數前來以備不敷取用
- 止取足事例銀兩

後工興

一議開事例查得預建

壽宮曾開事例今大工肇舉仍宜廣開除州縣佐貳首領係親民官遵例不許加納外其應納某等項咨行吏禮兵三部查例開款具題通行各省直撫按出示曉諭告納至於民間巨室比照舊例進銀五百兩者給與冠帶一千兩者選授七品京銜有司俱堅坊禮待仍免雜差

一議鑄錢照得銀一錢鑄錢六十九文給散各役止照時估大約五十五文爲率每銀一兩剩

錢一百四十文則發銀萬兩可積銀二千五百餘兩矣亟宜付行虞衡司寶源局鼓鑄本司按季酌量發銀如錢貴則行賤則止務俾官民兩利一查庫料等項照得雜料勢所必用合無通行兩京甲字等庫明開數目某項若干足備大工應用則已如果不足預行處辦以防臨期急用不敷

一議分工照得工程重大差官衆多若必合爲一工則意見參差彼此掣肘吏書浸潤致起紛

爭殊於大工有碍合無將應修處所均勻搭配  
司官與內監提督各二員分管一工明示賞罰  
工堅費省完工最早者受上賞則彼此相形人  
思自效

一議楠木照得楠杉大木產在川貴湖廣等處  
差官採辦非四五年不得到京工興在卽用木  
爲急其南京等處或有大木咨行火急查報見  
貯灣廠

神木廠者

勅內官監提督會同部官將見在木植計筭數目  
先儘

乾清宮

坤寧宮次配殿宮門均勻搭配務俾足用其斗稍  
裝修等項只以頑頭標皮并截下半段等木湊  
用不許混開於大木之內以圖侵冒然各廠大  
木不多一時取用殆盡後一不繼何以區處合  
無查照先年土官

進木加級事例通行川貴湖廣等處撫按諭令各

宣慰等官採木恭

進照例加級賞賚其土夷巨商力能採賣者彼處撫按卽以本部料銀弁贓罰等銀從厚給值但不許輕擾邊民以生事端

一議採石照得合用石料萬倍別工舊差多官總理衆手操觚彼此掣肘吏書唆構爲奸弊孔莫可究詰合無專責管山主事量撥小委官以供役使但部臣位卑權輕有司玩視文移多束高閣似宜假以舉劾之權其通墊道路採木造

置旱舡弁合行事宜有司抗違悞事者叅

奏重處

一議車戶照得工程重大合用木石不知其幾乃在官車戶僅僅九家卽竭產破家置買車騾亦不敷用合無通行順天等府州縣并在京富民廣行召募查照先年題

准事例官給車騾其裝載木石工食銀兩計工計日筭給如該管人役侵漁致逃者從重治罪其八輪四輪車應置幾十輛騾約用若干頭通行

管車官呈堂處置

一議蘇州磚查得蘇州方磚在廠見貯者一萬餘箇似不敷用合無預行彼處撫按選委廉幹府佐一員管理務要堅瑩透熟廣狹中度其應用料值夫匠工食裝運舡價并於賍罰料銀等項處辦具文申部以憑查考但不許分毫加派小民如解到方磚間有色紅泥粗不中舊式該管理以侵漁重究

一議買杉木照得鷹平條槁等木大王必用見今各廠缺乏查得通惠河道抽稅循環簿內見有商人販到鷹平等木四千餘根條槁等木四萬餘根合行差官照估驗買第抽稅例圍圓在五尺以上買木例圍圓在一尺以上即行文管河抽分郎中確查抽過鷹平條槁數目并長圍丈尺火速呈部隨即差官照估驗買如買到杉木見工收時長圍不及買數該買官以賍論如本商以用木急緊多索價值即為停買一面行浙直採買一面將通灣舡桅桅段并在京商民

原有買下桅段杉木嚴禁民間不許買用盡數  
告報兩平照估給價以濟急用

一議發見錢照得人之趨利如蟻赴羶

兩宮并建用夫用匠不知其幾若不給散見錢卽  
嚴行勾提而逃亡者比比也合無行令見工官  
將寶源局所鑄制錢預算明白用匠若干用夫  
若干用籜麻小串責令小委官每名一串抵晚  
唱各給散如錢短少中攙低假等錢許夫匠卽  
時口稟卽將小委官重處若侵冒數多見工官

奏

請罷黜

一議稽查夫匠照得夫匠衆多該管員役最易  
冒破以五作十并庸匠稚病殘疾人夫希圖搪  
塞合行定立規式某匠做某料尺寸若干卽註  
匠各料上前一日分派當日申刻驗收某人夫  
某項用若干俱預先分派當日抵晚驗工如有  
名無人有人無工夫匠扣除工食軍人不與日  
糧仍行送問如干碍內外官員奏



請究問

一議明職掌照得監督者總理之任而巡視者糾察之權也職掌攸司各有深意若監督徇私冒破巡視者止宜據實而糾劾之倘兼監督之任未免一柄兩持事體必多掣肘合無申明各守乃職收受錢糧之際監督官與內官監提督將錢糧逐項驗收巡視科道監察之果有冒破以小作大以輕抵重以濫惡准美好等弊點記于冊錢糧收完卽時聲說某項有弊隨時察究

果有人已之賍叅究罷黜但不得吹毛洗垢以隳任事之心

一議加舖戶查得工程重大物料繁多本司舖戶僅四名豈能勝此重役合咨都察院轉行五城御史嚴選真正殷實富民四名加添應役如該城兵馬賣富報貧弁受賄以積棍混報及將鄉官舉監生員呈報希圖搪塞者當工慢事叅奏重治第利之所在人競趨之強之以不堪卽義士規避矣乞將應買物料見工官酌量多寡量

給價銀令其承買買到物料驗收之後實收五日到部科道掛號次日日本司給與庫帖遲給十日不發實收庫帖以需索從重論其分派物料舊均勻徇情輕重者究罪

一議會估照得見今大木缺乏庫藏匱拙所用物料錢糧大費處分猶不敷用則估計之時不得不比常尤加詳慎合無仍照近例本部堂上官弁科道會同內監將應用物料逐一估計量較的確數目題定不得日後加添致滋冒破

一議兵馬弁小委官賢否照得五城兵馬弁小委官於工供事必不可少第賢否混淆曷以勸激合無分別賢否年終造冊類送吏部除不肖之極卽行咨革外其餘員役通候工完以定功罪

一議木植查得嘉靖三十八年八月內題

准木植運琉璃黑窰兩廠抵作木柴今用木數多

木植積存無仍照前例

一議匿名誣揭照得廉幹之官上不畏強禦下

不徇私情利於公必不利於私積年吏書嫉不  
便已塞其利孔懷恨中傷或爲匿名帖或暗投  
匿名揭指夷爲跡勢所必至若官場葺卑巧彼  
更書且歡同貓鼠豈肯暗害除官果有真實脏  
私叅

奏罷黜但係匿名揭帖不可據以叅

奏仍責該城兵馬務在得獲重究

一議派採楠杉大木照得

神木廠存貯之木無論見用不敷將來別有興

作亦當預備是採買所不容一日緩者除見存

楠木先行治辦外合卽行採買查得舊例採木

俱差本部堂上官一員督理第川貴湖廣地方

隔越兼制之則移文往返動經歲月分任之則

意見不同每多掣肘合無卽以本省撫按兼採

木之任司道官員聽其差委買運錢糧任其區

畫嚴督各省藩臬諸臣多方招募採取應用銀

兩一面動支本部料銀并贓罰商稅契稅缺官

俸薪等項木價運價必須一一出自公帑毋得

派累小民如各省地方官但能招徠土官進  
獻或能令土夷巨商採辦者卽抵原派定數起運  
其宣勞諸臣遇應陞年資不妨奏

請加級以責成通候木完以優敘

一議栢木查得內官監開註栢木一百一十根  
各長五丈至二丈徑三尺至二尺已經具題召  
買看得栢木長圍甚大一時召買不敷不無悞  
用合無將

神木廠見貯栢木行內監酌量做造雖長圍不  
合原估不妨折足尺寸抵用一委曲之間可省  
銀數千百兩矣

一議砍柴照得兩窰用柴九千七百餘萬斤約  
銀一十四萬六千餘兩乃今財用匱乏區畫最  
難查得先年修復

殿堂題

准砍伐南海子樹株抵用合無仍照前議咨行兵  
部卽將題

准官軍一萬名內除量撥大石窩二千名該部差

委都把等官督押八千名赴海子聽該管內監  
先將不材稠密枯削等樹刮皮號記照號砍伐  
遠近酌量每軍日限三十斤至廠每一月管廠  
主事會同科道驗收計至明年二月終木將發  
生之時停止候秋再伐其軍如有別項急用不  
妨臨期酌撥則所省柴銀不知幾萬兩矣

一議稽造楠木照得楠木巨材稍一失用不可  
復得合無置簿三本用印鈐記一發

神木廠逐日開註某日某車戶裝過某號大楠

木長圍根數各若干二本發山臺兩廠監督官  
開註某日收過車戶某等運到某號大楠木長  
圍根數各若干下註某日用匠若干截做某料  
長圍若干其有木大過式一寸以上者俱令鋸  
解下聽用不許斲砍卽半段頑頭亦記數收貯  
備用仍開款註銷俱年月一次報部小委官五  
日一次報司

一議置官車車戶劉祿等告行據主事郭知易  
呈議置四輪官車一百輛原題

准每輛給銀一百兩不敷置買先要預支脚價銀  
一百兩奏買車驟工程次第扣除脚價車銀限  
五年外照十六年題

准事例查行又議八輪改轍大車除

西華門見在三輛外再造十七輛每輛照估給  
銀五十兩不足臨時再置又議八輛大車所運  
大石比照

### 西華門題

准事例計驟計日給價上卸用軍無軍用夫又議

禁勢豪以用車緊急勒索高價并禁附近京府  
州縣車牙凡係脚車盡數報官兩平僱運木石  
不許私僱違者拏究

一議車戶裝卸據劉祿等告行據王事張宗孔  
呈議看得短運裝卸脚價於萬曆二十三年酌  
量加增題奉

欽依似不必別議但

兩宮所需木植圍圓之大者委非尋常可比上車  
卸車未免多用人力若不稍爲寬處誠恐拽運

延遲臨期悞事合無自圍六尺以上者分爲三等量加上卸人夫工價六尺至九尺爲一等每根加銀一兩二錢五分此外如更有圍大者照例遞加其圍未滿六尺者上卸裝運俱照舊規給價

一議呈樣瓦據主事趙文煒呈議看得燒造澆色甃瓦等料必須設法稽查始得如式合行該廠每樣定燒如式瑠璃等料二片塊筒進呈

御覽一留

御前一發監收官爲式以後收料若質有厚薄色或鮮暗卽不往收仍給示曉諭各匠一體遵守毋得臨期違悞再照瑠璃黑窰工程重大非軍不可集事舊規俱見工揆用多寡有無不一似宜題定數目未燒則供作已燒則搬運誠爲妥便查得舊例錦衣衛撥軍一千名合無照舊取用內撥七百名赴瑠璃窰三百名赴黑窰應用一議庫銅鑄錢准巡視庫藏刑科給事中楊士鴻浙江道監察御史何爾捷手本開丁字庫貯

有四火黃銅四十八萬斤堪以鑄錢等因隨會  
虞衡司郎中何湛之議得

大工繁鉅經費不貲今議取庫中之銅鑄錢為流  
通之費移彼濟此誠為良策

一議夫軍照得大石料大者折方八九十丈次  
者亦不下四五十丈翻交出塘上車非萬人不可  
可合無咨行兵部將大石窩除見在一千八百  
名外再添六千二百名馬鞍山除見在七百名  
外再添三百名應用但冬至後班軍回衛營軍

住操比時天乾地凍正宜趁時發運合無一面  
行管山主事多方催夫一面咨該部從長議處  
務令軍心悅趨常川應役

一議給匠車開運工價照得請給預支原為接  
濟令不悞事第今每發預支一次必待科道會  
收石料畢方出給實收對同銷筭至銷筭後方  
敢再請給仍候掛號下庫秤發耽延動經月餘  
遲緩悞事合無比照

壽宮事例將大石窩開運銀兩先發五萬兩總寄



涿州馬鞍山開運銀一萬兩總寄房山縣各收  
貯一應給發俱聽管山主事酌定數目具呈督  
催物料本部右侍郎處批允該管主事方行各  
該州縣正官照批准銀數徑給車戶石匠取具  
領狀造冊呈部如州縣官尅減銀數事發從重  
叅究前銀將完該管官再行請發接濟

一新舊車戶劉祿張揚祿等私車官車并見催  
腳車總計止二百輛今議再行添催搭掛一二  
百輛方可濟用第計車戶車驟自置及官車止

居三分之一催覓石居三分之二若非立法聯

屬難免遲延退避合無將各戶搜運大車

查開有車若干官車若干某催車若干係某州

縣人經紀某管押某總寫一牌每車戶各給一

面仍先將牌內車數花名造冊呈部及督催物

料本部右侍郎呂案候有一推故違悞者輕則

責究重則叅送庶車輛不至悞事

一議大石運價照得會估自二十二丈以下計

日計驟已經題

准外但二十二丈以上至八九十丈者此等大石  
先年

大朝門工所取用比時俱係外府州縣提取車輛  
驟頭協運乃一時衆擎易舉事易就集今本工  
大石自二十二丈以上至八九十丈者甚多提  
派車役既恐累民召募車戶豈堪虧累相應勸  
議合無將四五六七八九十丈等石行令管車  
官仰運計日計驟給值其車輛折損驟頭倒傷  
仍照前議量行賠補庶大料易於就集各戶亦

無虧累

一議車輛照得拽運木石新舊車戶除官車自  
車之外仍令其多方催募幫運多而且急乃奸  
猾經紀遂通同有車之家措勒高擡價值深爲  
可恨及查舊時催車每車一輛催用一箇月止  
價三十六兩今工程重大量爲加添定以三十  
八兩爲准一應附近催車經紀盡數籍名在官  
遵照題

准事理催寫車輛經紀不許仍前通同有車之家

勒擡價值車戶亦不許因而短少違者各治以罪

一議修墊道路照得大石窩子街中道等石有一塊而重至十五六萬斤者有十萬餘斤者開運一塊費銀千餘道路窪陷不平損車壞石勢所必至合無行令順天撫按督責該地方司道州縣官多方設處務期修墊知法堅闊平坦以便車行如或虛應故事致損車石除州縣正官分別叅處巡捕官拏究外仍責令該州縣賠補

原石庶人心知警不致悞事

大工及各工附錄

兩宮梁棟長九丈圍一丈三四尺見貯楠木中繩墨者百無一二公苦之偶見故楊司馬家乘載楠木幫品事甚悉公質之於內

言楠木盡壞於造艇若採非五六年不可恐材亦全張言不可曰此事孰敢任之公乃

具呈備述於堂請題部堂如公議疏上卽報可公初計期月可完蓋以

朝廷之力一人千日

直一日耳豈意二十

四年七月初十日開工十月具題豎柱至二十

五年五月方得

旨是月卽具題上梁至九月方得

旨

廣積扇積抽煤幾百十萬斤堆大如山而生木

成樹矣公曰柰何以有用

用也瑠璃黑

窰缺柴何不以此抵之呈

焉

夫匠日用幾千萬名公每項止用一頭打卯出

名具領雖坐食而亦事體之必不可少者然鑽

求紛至堂強公增數公曰各夫匠分工收功給

錢自有王者頭何用而令其靡費堂奮然具題

五十五名用一頭人謂之欽差匠頭不但歲費

萬金各工亦譁然多事矣

兩宮匠役多甚冒破不免題准論功不論匠小委

官給與見錢按功給散部官時稽查之無功者

仍重懲雖小委官不能無弊較給匠頭散者取

効多矣

兩宮開工公令止用夫百名是日同科道管工者  
同至工所報五百名公曰工興才始不遵令者  
誰也詢之者乃內監公大怒實收止出百名  
告事例者通狀到日卽給帖銀完次日卽給咨  
事無留宿吏難着措赴如雲集得銀百萬兩惟  
在速之一字

覆川湖貴減楠木尺寸疏照得楠木

宮殿所需每根動費千萬兩不中繩墨採將安用  
卽頭號不可必得亦不得遠下二三號

云云詞若

嚴而寬之之意多矣撫按不悟猶曉曉也

有中官在工做卓椅等料藏于柴簍抬出者公  
廉知之見佯若不知然但曰恐有夾帶左右一  
搜之中官懼甚亟止曰無無公笑曰工上之事  
自今悉令我知不然公性命之憂在今日中官  
曰唯唯自是奉令惟謹事無悞者

兩宮初開工之日一人持書請托公曰予事未一  
行敢來阻耶重懲之擲書不視雖飲恨于人而  
後來之門似杜矣

兵戶二部原題協濟銀各三十萬

兩宮工完所積銀猶足門工之費協濟通未用也

西河王疏開鑛與採木并奏抄發戶部者月餘

未覆忽一日申時文書房口傳

西河王疏工部如何久不覆立等着回將話來

堂官狼狽到部切責公公曰堂上不發抄何據

而覆查工科無此疏踪跡久之方得之戶部戶

堂出部幸余公在署索其手具咨稿部堂因言

戶部悞事疏上必罪本部公曰易耳首敘某月

日准戶部咨云咨到日即具覆且復疏日照

得

兩宮鼎建事關

宸居即一椽一角純用香楠杉木尤不足以盡臣

等崇奉之意沿邊不過油松雜木工無所用相

應停採此事關邊防西河特借大工為名耳

具覆但言其無所用而不與之爭事遂獲

寢未幾晉撫魏見泉公參疏亦至語甚厲

先是百戶仲春首倡開鑛之事亦借大

工為名疏未上先投揭於公公厲叱之春

慈寧宮石礎二十餘公令運入工所內監譁然  
言舊公曰石安得言舊一鑿便新有事我自當  
不爾累也

楚叅藩之命將行而尚未代管瑠璃窰內監劉  
成從容言爲燒色淺打點費幾萬金而蓮缸猶  
盆之類日索不休乞給三千金公不可且曰柴  
土價原自倍打點費一二萬只餘耳成曰安見  
倍公曰燒數雖不可稽而運價有數查得原燒  
料一百七十餘萬用不足百萬

兩宮完矣餘何任成語塞而去公復丁寧繼任者  
切勿予不謂持之不堅遂給七萬庫欲不空得  
一日奉奉

旨下部買金六千兩鋪戶苦之且言戶部有編定  
金行公曰戶部安肯代工部買金各戶極言一  
時難辦必悞賠不惜也公思戶應協大工銀三  
十萬而

兩宮已完庫貯銀尚有一百二十餘萬無需協濟  
遂收工商買金之票而掌稿者力稟不可公叱

之出衆莫解衡司揚毓庵司徒本庵公胞弟也  
公夜過之謂曰戶協工三十萬金欲具題何如  
毓庵入言出告曰余兄極苦此事且欲求少減  
公曰戶果不足如肯代工買金六千則前銀可  
不協濟毓庵復入言本庵亟許公歸具題稿明  
日早進部呼寫本者上之掌稿者曰戶定無肯  
替工買金之理公第曰試題之疏上

報可戶無難色公去部後復有買金之事仍如公  
行之戶部而戶部怒裂其劄掌稿者竟不知所

以也

二十年四月公受工部屯田司主事差管通積  
局廣積局局各設抽分大使一員攢典一名巡  
軍十五名其官俸軍糧歲支一百三十餘石每  
年抽分解部銀多七八十兩少五六十兩卽官  
俸軍糧取償不足病商病民不預焉公欲具題

裁革呈稿署部事左堂敬宇沈公曰勿輕議遂  
止及查初年稅入歲不下千金該局所轄窪座  
自京師及通州昌平良涿等處稅歲磚瓦近百萬



萬後工部招商買辦而局無片瓦矣公既任其事稍一稽查卽如木商王資一項漏銀一百零九兩他可知已嗣查窰稅而中貴王明作梗公謂中貴不可制而販戶可制卽出示通衢嚴諭巡軍軍民人等敢有買販王明磚瓦者以漏稅論官吏軍餘賣放者許諸人訐告卽以漏出磚瓦克賞王明窰三十餘座月餘片瓦不售哀求報稅矣諸勢要聞風輸稅卽一季所收踰二十餘萬一歲所積除勳戚祭塋取用外該局積無

隙地各衙門小修胥取給焉

一 本年九月內蒙部題差委同內官監僉書王國寧監丞小火者等四十餘員修

景泰皇陵舖戶耿應禎買辦銀七千九百兩有奇節省銀三千兩灰戶沈應元灰價四千五百兩節省一千五百兩并雜料等項共節省銀七千兩有奇該前任巡視廠庫工科給事中今大司寇張公問達題薦奉

旨紀錄

一二十一年冬題同內官監太監何江等四十餘員修理

獻陵錢糧物料價幾四萬兩公親詣本陵遍地踏看卽萬金已屬浪費歸與巡視廠庫工科給事中黎公道炤議該本科題奉

旨差工科給事中桂公有根御史時公休行同公覆告減銀一萬三千兩有奇賑河南饑比工完仍省黑奎等項銀三千兩有奇白城磚斧办磚十萬有奇

一一

獻陵山溝兩岸舊用磚砌山水暴發磚不能禦也年修年圯徒耗金錢而無益實用公欲用石中官不利益用磚利其冒破故也公乃呼工上作官謂之曰此溝岸何以得長久對曰用黑城磚而灌之以灰漿公曰黑城磚多甚內官何不拆二三萬用作官對以畏而不敢公曰豈言之我不查也作官如命告之內監中官疑不解公意然利動其心遂折二萬久不言一日同至溝

岸盡處謂中官曰此處舊用黑城磚中官曰是  
公曰山水暴發磚不能禦砌之何益不如用石  
中官曰

陵山之石誰人敢動公笑曰溝內浮石非欲去之  
以疏流水者乎中官既中其餌不敢復言於是  
每日五鼓點卯夫匠各帶三十斤一石不數日  
而成山矣蓋原估磚二十萬只此一處費不過  
五萬餘俱留之

朝廷矣

墳頂石重萬餘斤石工稟稱非五百人不能秤  
起合筍公謂用不踰時而京至工五十餘里如  
取夫於京則以半時而令人往返百里給價難  
爲公不給價難爲私乃於近村壯丁借片時人  
給錢三文費不過錢千餘而石工完矣

一二十二年九月內都題委建

永寧長公主墳舊規

公主駙馬墳價一萬四千兩

特恩加一萬兩共二萬四千兩其銀一萬四千兩  
駙馬家領修墳祠一萬兩司禮監等內衙門公  
用并無差部官修建者緣駙馬梁邦瑞父以白  
米千石請托本部堂怒甚遂題委公建造止題  
銀一萬四千兩其內監銀一萬題裁矣於是大  
失垂涎者之欲怨謗併作蜚語沸騰就中幾有  
不可脫之禍時都察掌院秉洪溪公公師也爲  
公危甚大理卿繼山沈公陞本部左侍當序掌  
部印有勸其候

公主葬畢到任免於波及沈雖不用其言然一  
時舟外之懼蓋人人危之矣於時公亦微倖竣  
事無他仍荷

聖母賞表裏一銀二十兩詳具行狀中然金井并  
席殿五十餘間計費僅三百三十兩有奇  
殯之日工上例搭席殿羣房等約三百間公令  
擇地之隙者搭蓋作官謂去墳遠恐於內使不  
便况此席木內使臨行俱拆去何必用心公令  
以揪棍橫穿於杉木纜眼下埋之席用麻繩連

合在工之人無不笑公之作無益也殞迄果如  
作官言然木不能起席旣連合卽以刀斷繩取  
之不易遂止事畢公呼夫匠頭謂曰山中風雨  
暴至無屋可避除大殿拆外餘小房留與夫匠  
作宿食所何如衆僉曰便公又曰每一席官價  
一分五釐今止作七釐抵工價拆棚日席聽爾  
等將去斷麻作麻刀木作回料何如衆僉曰便  
一修

榮昌長公主府第先是估計已有成議計銀七

萬兩有奇時公新任適戶部尚書楊兵部尚書  
石本部尚書李司禮監太監張誠奉

旨偕科道暨公閱視公通前徹後逐一有驗

殿宇寢室圍廊門座等俱因舊房未有加一椽一  
墻者止易瓦弁墁飾油漆等工公細計之卽五  
千金已屬多餘乃費帑金至七萬乎內監猶欲  
添銀日夕聒擾公分毫不加時同事主事韓也  
○一修內花園內監王勳需索無已管工者苦  
之言於公公曰第委之我勳計無所之以黑字

揭帖送部堂批查給公置而不應勲大怒倡言  
公看工定碎公衣冠而作官等又甚其言以相  
恐且言看工須多集從人公胥叱之看工之日  
事畢直入其室坐其床責其無狀且謂之曰內  
監與工部表裡卽不如意再須後來予首司敢  
得罪我爾不欲再管工耶勲唯唯公拂衣去  
一都城重城根角下爲雨水衝激歲久成坑嚙  
將及城名曰浪窩監督員外受部堂旨議運吳  
家村黃土填築本村去京城二十里而遙其估

銀一萬一千兩有奇蒙堂批查題發司公一見  
不覺吐舌隨卽具說堂一帖內開議得浪窩蝕  
及城脚及時築填誠爲急務但取城壕之土以  
填塞則浪窩得土而築之固城壕去土而濬之  
深銀省功倍計無便於此者若以填坑而費萬  
金恐不可使聞于人也云云部堂怒形于色曰城  
壕土蘇雖築易敗成大事不計小費仍取吳家  
村土如某員外議公固執不可部堂怒改委主  
事張宗孔羅尚賓親詣城壕驗土覆估該二三

事驗畢回呈俱如公議部堂大怒將呈塗抹發  
司暗激怒原議者與公拚命幸主事杜允繼以  
親故懇勸稍解後聞科道欲參論某始悟為部  
堂所誤向公具義服罪比完工止費九百兩有  
奇

神宮監修造例用板瓦然官瓦惡乃每片值價  
一分四釐民瓦每片價纔二釐而白哲然諸闈  
陰耗食于官窰者久矣民瓦莫利也及公督其  
事乃躬至監謂諸闈曰監修幾年矣老成者應

曰三十餘年公曰三十餘年而滲漏若此乃瓦  
薄惡之故也諸闈曰然公乃陰飭官民瓦各運  
一千記以字而參聚之于是邀監工本陵掌印  
與合陵中官至瓦所公謂曰瓦惟衆擇可者僉  
曰白者佳取驗之民瓦也公曰民瓦既賤且佳  
何苦專用官窰監工者曰此

祖宗制用官窰誰敢用民窰公曰

祖宗制用官窰為官窰勝也豈謂冒破錢糧不堪  
至此余正欲具疏借監官為証耳遂去監工者

隨至寓下氣謂公曰此端一開官室無用且得罪請如舊公不可監工復再三所用官民各半復不可監工者知不可奪乃曰惟公命第幸勿泄于他監工者于是用民瓦二十萬省帑金二千餘矣

王資販檜樹千餘株不報稅且出飛語公親至其地驗之該稅銀若干卽其地知會東城御史及廠庫科道比回路而當路求免帖紛至公曰已報各衙門矣柰何蓋此輩皆負大力故急處

之以絕其謀

金剛墻實土而在工夫止二十餘各二人一筐非三五日不可公下令曰多抬土一筐加錢二文以未木屑爲記各夫飛走不終日而完

凡木商運到木植部例會估給價乃弊端最甚如一二三爲一號後復以三四五爲一號連手到底歷年以來漏帑金不知幾千百萬具

題改正

錦衣衛題修補鹵簿計費萬金公嫌其濫監工



內臣持錢壞者胥送司公閱之謂曰此諸弁畏  
公精明作此伎倆以實題疏中語耳不然駕閣  
庫未聞火而銅帶胡由而焦舊宜腐胡直斷如  
切某知公言詰諸弁且言欲叅諸弁跪泣求免  
工完無敢譁用不足千金鹵簿煥然矣  
一二十三年題鼎建

西華門弁補修

皇城西一面弁西角樓其工五十倍府第然亦  
止費七萬金而縮

辯京察疏

稿具木上

巳亥

兩宮鼎建告成勞臣功罪未著謹據事直陳以昭  
公道以垂信史事職聞非常之事惟非常人爲  
之常人之所駭職忌焉者也職固非非常人也  
而鼎建

兩宮不可不謂非常之事夫非常之事常人不能  
爲而爲之者終不免卽如東事甫完當事者無  
一人脫網矣職爲

皇上完北上門完西華門今完

兩宮自謂亦有微勞且私心謂讞獄者尚有議功  
之條秉心者咸具是非之直職以六年六月之  
俸陞一叅議僅與循資挨俸者一例自分可以  
免矣不謂假借計典讒構橫加職不足惜萬一  
有非常之事鑿職之轍誰敢再爲  
皇上鞠躬盡瘁而爲之此職終不能無言也謹據  
實畧陳其槩惟我

皇上憐而垂聽焉二十五年內該監工疏有云  
之費可鉅百萬而石價居其半夫鉅百萬則

一千萬也居其半則五百萬矣乃自萬曆二十  
四年七月初十日開工起至二十六年七月十  
五日

兩宮寃耗通完金鑄顏料買辦就緒止職經手發  
過銀兩除浙直徐州解銀六萬兩

神霄殿東裕庫芳玉軒板箱堅櫃約費銀四萬兩  
曹天祐木價三萬兩實計

兩宮支費僅六十二萬有奇不及鉅百萬十分之  
一且鑄錢積出銀四萬有奇尚在六十二萬數

內職完

大工哀多益寡月費不過三萬五千兩耳職又查

嘉靖三十六年修復

殿堂例四川湖貴採木則侍郎劉伯躍潘鑑左副  
都御史李憲卿郎中張國珍李祐副使張正和  
盧孝達等大石窩採石則侍郎張舜臣主事李  
鍵浙直採木則郎中李方至吳道直因而叅罷  
知府宿應麟調御史金燕蘇州燒磚則郎中戴  
愬天下催徵錢糧則御史林騰蛟唐自化等四

員槩省直丁地歲加派銀一百萬兩則戶科給

事中劉贊題准車騾夫匠派提北直隸山東河

南則歐陽必進題准卽今監工者亦曾謂職調

五城人夫拽石職俱條陳一切罷免一官不遣

一民不擾自謂頗有培扶根本之圖百戶李綸

奏差內官川湖採木 西河王奏五臺山採木

指揮林朝棟張文學各奏改臨清窰於武清縣

通州差內官監燒木商吳雲卿洛金源各賣奏

買鷹杉等木十六萬根約該價銀三十萬兩卽

科臣劉道亨疏云若非該司之固執則十數萬帑金歸之烏有矣職俱調停陳奏仰荷

皇上俯納自謂頗有曲突徙薪之計職萬曆二十一年同少監僉書王國寧修

景皇帝陵卽如舖戶耿應禎原估銀一萬二千餘兩部減銀四千餘兩止留工銀七千九百餘兩比工完職省銀三千餘兩灰戶沈玉等原估灰價七千餘兩部減銀二千五百餘兩留工銀四千五百餘兩職省銀一千五百餘兩并磚石等

通共省銀七千餘兩該巡視廠庫給事中張問達薦職奉

旨紀錄二十二年職同太監何江修

陵原估銀八萬餘兩部減銀四萬餘兩該職復

議工科給事中黎復題給事中桂御史時

同職覆估再減銀一萬兩有奇比至工完職仍省銀三千餘兩

大工所費七十餘萬俱職親手開納事例銀九十三萬兩內支給其助工銀俱管庫科道固封候

口不但一毫不取之民抑且一毫不取之庫自謂  
頗有生財節用之勞此俱工科有本工部廠庫  
節真庫有冊昭彰萬人耳目者舍此不諒而信  
誣螿譚暮夜卽萬古無夷齊何有於職也况職  
七年郎官故居不能蔽風雨吏部主事吳兵  
部員外田丁酉陝西王試回到職家至京對  
職嘆息且如參職用張經等爲心腹矣不知所  
騙者何人之錢所壞者何等之事職不用自營  
利而令其各專利恐非人情書辦王化等委官

胡觀坤係職二十一二兩年修理

景泰皇帝陵

獻陵屯田司印信乎本開送供事員役在

景泰皇陵職節省七千餘金

獻陵職節省一萬三千餘金可以徵各役之無能  
爲矣夫頭張經灰戶沈玉沈祥等十八戶自

壽宮開工直至今日四司通用止此一夫頭十八  
灰戶銀錢出入亦係各監工科道并本部冊籍  
可問而查也後因

大工職去任堂官始題添灰戶八各二十五年因  
內工給散見錢而後投充夫頭者日衆二役用之  
不自職始胡爲投賄計日計職驟職用主事郭  
議至良法也今且罪職矣此法若廢  
三殿宮興召募無人勢必復提民車使畿輔之民  
囂然震動然後知職之識遠川所全者大也實  
收對司數之多寡俱由監督監工誰人受賄劉  
祿等見在可問也至於使功使過不過借以對  
計日計驟耳不然職

大工所用委宮不下三四十員胡不指摘一人而  
捏去任四年餘且屯田司開送之胡覲坤即吏  
部去官有冊可查也鷹條杉木舊會估不知造  
自何官中間藏號過關由來不知費

帑藏幾千百萬兩職因買曹天佑木閱舊會估數

過始看不覺大駭隨卽改正呈堂批會工科

給事中徐楊郭御史蔣議僉謂職議

爲妥登簿印鈐將來不知省帑金幾千百萬兩  
卽如郎中彭主事曾照舊會估磨算曹天

佑木價三萬五千餘兩內照職改正新估覆算

減冒濫銀四千餘兩原冊見在工部廠庫可查

裁其冒濫四千兩復索其例至三千兩即三尺

童子不信也鋪戶方軋係工科給事中楊親

手塗抹職與三司郎中同在曾開一言否楊

素秉直道見在可問也

大工舖戶李號因少席一領監工責三十板監督

責二十板一梭李號泣曰一席值價止三分五

大釐又係自己賠買已打五十板一梭每戶將來

錢糧不下萬餘兩全家齷粉矣因而棄家逃職

懼各舖戶生心解體行兵馬指揮楊嘉慶嚴

拏二箇月方獲其叔李祿倚恃老病通政司四

遞通狀職悉束之高閣通政司有號簿工部有

原狀李號見今係名在司孰迫之逃而謂職放

之也營繕司有冊有官并本人見在可查而問

也趙玄係虞衡司舖戶與職風馬牛之不相及

即面貌職亦不識有何事於職嫌而置之死工

部廠庫有冊可查也至於窳戶孫世祥職衙門

并無姓名且

大工又不用窰戶之磚不知因何事指其價四百兩也不謂青天白日之下而有此無踪無影之誣也然參職一事雖若甚微實邪正消長之大機括恩讐報復之大關鍵所係計典甚重伏乞勅下吏部都察院將職行過事蹟本冊與見在員役通提到官逐一研審如職所陳有一字之欺所參有半字之實查職自做主事至郎中曾壞

朝廷一件事要工部一文錢即將職重治以為臣不忠不廉欺君者之戒如係借黜幽之大典為酬恨之奇策乞

勅吏部開送史館俾秉董狐之筆者直書曰職賀盛瑞被參某人陷之也職死且不朽矣

揭一

凡人臣為國與自為者異為國則執法以任謗自為則避謗以撓法臣而至於避謗以撓法天下國家之事其何利賴焉是螿法者莫甚於謗



而謗之所以益肆者則用謗者之過也彼謗者  
方欲肆其毒而吾復爲之用則任事之臣方且  
垂首重足畏謗遠罪之不遑尚遑明日張膽爲  
朝廷堅持三尺乎蓋才之有無著之設施守之  
貪廉見之經費故非常之事惟非常人能之常  
人斷乎其不能廉者心無所利其用自省貪則  
一賄入必借帑藏千百以償之費之必甚勢也  
今有非常之事其爲人也任之而能勝勝之而  
能臻厥成及觀其用又倍極節省有官如此是

亦不可以原乎卽有盈篋之謗亦當胥置之而  
錄其中山之功苟非其人未任而張皇旣任而  
規避及觀其費又濫觴而不可繼卽舉言日至  
亦阿大夫耳吾以白簡隨其後此覈實之術也  
豈不得人甚真而行之甚易乎職不肖待罪繕  
郎三年六閱月始完

北上門再完 西華門今完

兩宮任之能勝與否矚在萬衆耳目一切經費工  
部有簿巡視科道監二科道有冊昭如日星至

於暮夜十萬之說必須盜國家帑藏百十萬以  
酬其餌勿論鼎建之費止於七十餘萬乃職數  
年經費一按籍似與前後當事者埒真有不待  
辨而自明者惟是任謗執法貞臣所難遠謗自  
全則人之通情也如有事卽有是非而當事者  
必不免無事方無是非優游而取高位誰肯爲  
國家任事以自取官敗名滅之禍乎此職之所  
以憂也謹將行過事蹟畧陳梗概俾縉紳朝野  
知職之今日皆其自取庶任事者不以職爲口

實而弛其擔當之心謗人者知僞不可以損真  
而少緘其雌黃之口其於國家人才未必無少  
補云

揭二

爲抱病難前心迹未判據實直陳以聽公論事  
職聞人臣之患在畏事不敢前者何也事者疑  
之所起也議之所叢也而危之所伏也故處疑  
冒議而蹈不可知之危此人臣之大患也雖然  
事前之患在毀譽之淆事後之患在瑕瑜之實

是任事與不任事前後各有患則士寧重後耳  
且位外之人固不能得位中之情而不徇之心  
又安能滿不平之口矧士固難知乃不自知而  
顧肯惴惴於雌黃之口以自阻其生平哉職以  
草野遭

聖明品卽劣不敢以私污義才卽弱不敢以巧藏  
拙誠謂任事避謗勢不相兼而鉛刀一割之用  
不得以浮議自消縮所以蹶焉而不敢有悔色  
者此也職嘗謂士獨恨無可知耳苟有可知卽

一時之愛憎羣集而千古之人心自在又誰能  
以矯矯之節終玷汶汶之口乎故職之愚慮實  
欲以後効洗前枉而不虞天之錮職以疾也垢  
辱自黜初志頓違所以中夜思之不覺愧汗之  
長流也職伏念

兩官乃非常之役而職不肖實始終其事所以工  
甫完而敗嗚呼百萬之省誰人及知而白簡污  
迹遍天下矣故敢畧述其概職聞利之所聚趨  
者爭先

兩宮之金錢是也工役未與人開溪壑矣其時不  
惟居奇貨者百計爲奸卽長安市并且疑當事  
之獨屢而思有以分之以故採木者改窰者紛  
紛條議甚至徽商捐萬金之資鑽求買木而瀆  
奏亦且至再此皆懷藏大奸欲在必滿而職以一  
人左支右吾於其間力塞漏卮委其身於謗議  
讐恨之詘而不敢恤也用是二載經營

兩宮底績且東裕庫神霄殿芳玉軒等工一時全  
舉而總計職經手之費七十二萬餘金而通完

矣而存省節縮之餘得銀九十三萬兩有奇以  
需

殿門之用猶憶

職

初署司事庫銀僅三十餘萬而

土木頽興之日乃稍有蓄餘又何也此皆

職奪

之於狼視鷄顧之餘而慎之於斟酌損益之際

職之省也滋甚

職

之毒也滋深其蹶也宜也不

敢怨也三人投杼十夫操椎况加以衆不得計

之口乎是慈母不能必之賢子而欲天下必之

職乎黜所固然而古今之公患何必獨捐焉嗚

呼中士醜自譽中女醜自媒職卽不肖豈遂肯  
以過隙之得失頓忘素心妄疏列而希餘潤哉  
顧瓜田李下君子嫌之職不幸實以瓜李致疑  
今病矣一旦犬馬之軀卽填溝壑後効旣不可  
期前垢終不可洗是使砥礪抱不伸之餘恨土  
木有節省之墨臣辱  
聖世而羞冬官職竊傷之然言非職之願也且其  
事又不足言不言則職之名節可念不得已言  
之甚愧矣甚苦矣惟

垂察延訪果職言不虛庶幾可謝天涯知己而  
不負夙昔之苦心然工之重若彼而職之費若  
此天下不幾以職爲誕乎敢稍次其事於左

冬官紀事終

冬官紀事

三

八  
十  
三

集

